



Polasaí Rollacháin agus Rannpháirtíochta

Scoil Fhionáin

074-9135122

www.scoilfhionain.ie

scoilfhionain.anfalcarrach@gmail.com

Eolas Ginearálta:

Tagann an polasaí seo faoi chumhacht an dlí faoi mar atá leagtha amach san Acht Oideachais (1998), agus na hAchtanna ar Chearta an Duine agus Comhionannas 2000-2015. Tá iontaoibh ag an mBord Bainistíochta go gcuideoidh a leithéid seo leis na tuismitheoirí maidir le cúrsaí rollacháin sa scoil. Tá an Cathaoirleach agus an Príomhoide lán sásta aon soiléiriú gur gá a thabhairt ag eascairt as an bpolasaí seo.

Is Scoil Chaitliceach, Chó-Oid. í Scoil Fhionáin, atá faoi phatrúnacht Easpuig Ráth Bhóithe, an t-Easpag Alan Mc Guckian, agus díríonn an stadás sin etós na scoile. Is í príomh-aidhm na scoile ná Oideachas iomlán a thabhairt don phaiste iomlán, go hacadúil, fisiciúil, spioradálta, mothúcháin agus morálach. Intuigthe le seo, tá meas á thaispeáint againn agus ag ár bpáistí ar chreidimh eile agus orthu sin gan creideamh.

Níl an reiligiún úsáidte mar chritéir rollacháin, ag aontú leis an Acht Oideachais 2018.

Ní bhaineann Scoil Fhionáin amach aon taillí rollacháin ar bith.

Tá cultúr dearfach a chothú fríd an pholasaí Oideachas Sóisialta, Pearsanta agus Sláinte sa scoil, ina bhfuil Coiste na Mac Léinn agus Coiste an Bhrait Ghlais bríomhar.

Tá sé tábhachtach dúinn go bhfuil meas againn don timpeallacht agus dá chéile.

Tá an scoil cláraithe sa Scéim Aitheantais Gaeilge, agus mar pháirt do sin, tá Plean Gaeilge faoi leith againn, ina mbeidh an luath-thumoideachas ag tosú i Meán Fómhair 2019 do Naíonáin Shóisearacha, agus ag leanúint ar aghaidh de réir a chéile, céim ar céim.

Chomh maith le sin, tugtar isteach múineadh iomlán trí mheán na Gaeilge do ranganna Ealaíne agus Corpoideachais do gach rang faoi láthair.

Tá aon mhúinteoir déag againn ar an fhoireann teagaisc faoi láthair, an príomhoide, beirt mhúinteoir SET lánaimseartha, agus múinteoir Tacú Gaeilge a roinnt againn idir dhá scoil. Chomh maith le sin, buíochas do Mhuintearas Teo, tá cúntóir Teanga ag an scoil.

Tacaíonn an scoil leis na prionsabail seo a leanas:

- **Ionchuimsiú**, go h-áirithe i leith riachtanais breise.
 - **Comhionannas**, maidir le bheith rannpháirteach sa scoil.
- **Rogha** na dTuismitheoirí/Caomhnóirí maidir le clarú a bpáiste sa scoil.
- **Meas** ar éagsúlacht luachanna, creidimh, teangacha, cultúir éagsúla agus araile.

‘Sé an Bord Bainistíochta a dhéanann an cinneadh de réir polasaí na scoile maidir le clarú na ndaltaí sa scoil. De réir an Acht Oideachais Sóisialta

(2000) cuirfidh an Bord scéalta faoin gcinneadh chuig na tuismitheoirí/caomhnóirí laistigh de 21 lá. De ghnáth ma bhíonn spás sa scoil cuirtear seo in iúl do na tuismitheoirí ar an lá a líontar an fhoirm iontrála.

Cloídh an Bord Bainistíochta le treoracha na Roinne Oideachais & Eolaíochta maidir le líon na bpáistí i ngach rang, líon na múinteoirí sa scoil, riachtanaisí breise agus cúrsaí slándála go ginearálta.

Ta an Bord Bainistíochta teoranta ag Rialacha na Bunscoile de réir na Roinne Oideachais & Eolaíochta a léiríonn nach féidir páiste a chlárú go dtí go mbíonn siad ceithre bliana d'aois. (Nil freastal éigeantach go dtí go mbíonn páiste sé bliana d'aois).

Páistí Ag Athrú Scoile

Is féidir le páistí a theacht na scoile ag brath ar chúrsaí spáis & cead na Roinne Oideachais & Eolaíochta. Moltar dóibh fanacht go dtí tús téarma má tá siad ag athrú scoileanna sa cheantar.

Tá sé de dhualgas ar Bhord Bainistíochta na scoile eile tinrimh an pháiste a sheoladh go dtí an scoil eile agus tuairisc ar dhul chun cinn an pháiste fósta (cead na dtuismitheoirí/caomhnóirí stáit riachtanach don tuairisc ar dhul chun cinn an pháiste).

Clárú Páistí le Riachtanais Breise

Lorgóidh an Bord Bainistíochta cóipeanna de thuairiscí ó dhochtúirí, síceolaithe nó eile i leith an pháiste nó sa chás nach bhfuil ceann ann iarrfar go socrófar meastóireacht ar an bpáiste láithreach sara gclárofaí an páiste seo sa scoil. Usáidfear na tuairiscí seo chun cuidiú leis an scoil riachtanaisí áirithe an pháiste seo a mheas agus pleanáil a dhéanamh i gcóir na struchtúirí chuí chun tacú le foghlaim agus ionchuimsiú an pháiste le linn dó/di a bheith ag freastal ar Scoil Fhionáin.

Buailfidh príomhoide na scoile le tuismitheoirí/ caomhnóirí aon pháiste le riachtanaisí speisialta roimh dó/di tosú sa scoil. Pléifear cumas na scoile freastal ar na riachtanaisí seo. Má's gá tionólfar cruinniú leo siúd ar fad atá ag freastal ar riachtanaisí an pháiste, idir tuistí, Príomhoide, Múinteoir ranga, Múinteoir Oideachais Breise, Síceolaí /SENO má's oiriúnach.

D'fhéadfadh leis an mBord Bainistíochta iontráil an pháiste a chur ar cheal go dtí go mbíonn

- Tuairisc síceolaíochta ar fáil nó/agus

- Acmhainní chuí curtha ar fáil ag an Roinn Oideachais agus
- tuairisc dochtúra/siceolaíochta chun freastal ar na riachtanaisí luaite .

Nósanna Imeachta i Leith Chlárú

1. Iarrtar ar thuismitheoirí / caomhnóirí ar mian leo a bpáiste a chlarú i Scoil Fhionán foirm iontrála (le fáil san oifig) chomh maith le teastas breithe a chur isteach chuig oifig na scoile i mí Feabhra/ Márta.
2. Cuirfear ainmneacha na bpáistí ar cuireadh foirm iontrála isteach dóibh ar liosta feithimh.
3. Tugtar cothrom na féinne d'achán pháiste atá ag lorg rollacháin i Scoil Fhionán.
4. Tuigeann an Bord Bainistíochta go bhfuil cearta ag thuismitheoirí/caomhnóirí páiste a chlarú ina rogha scoil, ach tá se de dhualgas orthu meas a thaispeáint do phobal na scoile go háirithe dóibh siúd ata ar rollaí na scoile cheana féin. Beidh cinneadh atá bunaithe ar chearta agus ar mhaitheas na bpáistí uilig a dhéanamh anseo. Ag tabhairt gach tacaíocht don scoil anseo, ta se de cheart ag an Bhord Bainistíochta socrú a dhéanamh fá uimhir na ndaltaí i ngach seomra ranga ag glacadh na pointí seo a leanas san aireamh:

méid agus spás na seomraí ranga

riachtanais oideachais na ndaltaí ag aois áirithe

ranganna measctha

páistí le riachtanais faoi leith/riachtanais breise

treoracha na Roinne Oideachais & Eolaíochta ó thaobh uimhreacha ranga

5. Más rud é go bhfuil éileamh ar níos mo áiteacha ná mar a thig a chur ar fáil cionas nach bhfuil spás nó múinteoir le fáil, seo an critéir a bhainfear úsáid as ó thaobh rang na naíonáin de:

- Páistí san ord inár lorgaíodh áit sa scoil.

6. Beidh lá cláraithe sa dara téarma, beidh an dáta fógraithe i Nuachtlitir an pharóiste agus an Páipéar Nuachta Áitiúil agus ar suíomh idirlíne na scoile.

7. Tugtar cuireadh do na páistí a chláraíonn agus a dtuismitheoirí/ caomhnóirí go dtí an scoil tráthnóna i mí Mheithimh – tugann seo seans do na páistí buaileadh lena múinteoir agus tugann an príomhoide eolas ar an scoil do na thuismitheoirí/ caomhnóirí. Tugtar leabhar eolais ar an scoil dóibh ar an lá sin fosta.

8. Tá ar dhaltaí cláraithe i Scoil Fhionán comhoibriú leis an scoil agus leis an Bhord ó thaobh polasaithe smachta, eagraíochta, bainistíochta agus curaclaim. Cuireann an Bord dualgas ar thuismitheoirí/chaomhnóirí a chinntiú go ndéanann a bpáistí comhoibriú leis na polasaithe ar bhealach atá oiriúnach d'aois an pháiste. Is féidir cur leis na polasaithe sin agus iad a athnú ó am go h-am.

Ráiteas ar Straitéis Tinrimh na Scoile:

Tá Straitéis Tinrimh sa plean DEIS ag Scoil Fhionáin, a chuireann na céimeanna seo in áit, le ardchaighdeán tinrimh a bhaint amach.

- Spriocanna leagtha amach
- Cuir chuige lán-scoile
- Tinreamh iomlán a chur chun cinn.
- Díriú ar drochthinreamh.

Tá cóip den straitéis seo le feiceáil sa teimpléad TUSLA- Template for the Statement of Strategy for School Attendance.

Achomharc:

I gcás míshástacht pháirtí le cinneadh na scoile, is féidir achomharc a dhéanamh ag an Roinn Oideachais agus Eolaíochta faoi mhír 29 den Acht Oideachas 1998. Is féidir leis an mBord Bainistíochta leasú a dhéanamh ar an bplean seo.

Athbhreithniú

Rinneadh athbhreithniú ar an bpolasaí seo i Mí na Nollag 2018 agus arís i Mí na Bealtaine 2019 agus arís i Mí na Nollag 2021

Síniú *Fr James Gillespie*

Dátá 07/12/21